



Konsel an Dre Bosvenegh

Brennyans an Yeth Kernewek

Menegyans Brennyans

1. An Konsel a aswon an gnas diblans a Gernow ha'y jarj dhe jersya ha gwitha hy ertach arbennik.
2. An Konsel a wel an yeth kernewek avel rann vyw a wonisogeth hag ertach kevesek hag y tynnergh an ober re beu gwrys gans Konsel Kernow ha ken korfow ha ken tus war-tu avonsya hy dasserhyans ha devnydhyans ha bri ledanna avel yeth vyhan Europek.
3. An Konsel a wra perthi kov rann an yeth y'n artys, gans kevrennow gans kenedhlow europek ha ranndiryow ha'n Unyans Europek ha Konsel a Europa ha gans divresow Gernewek a-dro an bys. An Konsel a vydh avisys a'n prowyow gonisogethek a ylli dos a'n yeth. Y'ga mysk devnydhyans gwiw an Konsel, gans kevren gans tornyaseth ha dyllansow, ha gans plegyansow dhe'n Governans ha dhe'n UE may hwra krevhes klem dhe gonsiderans arbennik rag Kernow gans hy diblantter gonisogethek.
4. An Konsel a wra, mars yw gwiw, kolonhe devnydh an yeth rag henwel stretys, ha martesen, may hwra ev prederi y vos hwansys ha gans akord an kemmynieth teythek, skoodhya an sosten a arwodhyans tyllerek diwyethek.
5. An Konsel a wra, gans y asnodhow hag efander y wriansow, hwilas dhe ri kedhlow a-dro dhe'n yeth – hy havadewder, hy istori, hy devnydhyans ha'y displegyans – hag y hwra, mars yw gwiw, skoodhya dallethow displegyans dre y rontys kemmynieth.
6. An Konsel a aswon an strivyansow an ken konselyow yn Kernow gans an yeth, hag y hwra, mars yw gwiw, oberi gans an awtoritys na rag:
 - Kowlwul grassys meurra ha devnydhyans an yeth;

- Skoodhya ober dhe sevel hy bri kenedhlek ha kesgwylasek; ha
- Skoodhya dallethow dhe waynya asnodhow rag hy displegyans ha devnydhyans usi ow pesya.

7. Konsel an Dre Bosvenegh a aswon an 'Furv Skrifys Savonek' a-gynsow unys avel an furv yw gwell rag devnydhyans an Konsel.

Ken Furvyans

Reyth Gorthres Evredhder 1995 (Disability Discrimination Act 1995) – daskrifow an skrif ma yn prynt bras (Furvyans A3) po braster furv brassa, po rekordys war snod avel 'lyver kewsel' a yll bos kevadow rag an nebes gans fowt gwelans herwydh hwans dre wovyn orth Soodhva an Konsel dre bellgowsel orth 01208 74159 po e-bostya paul.ocallaghan@bodmin.gov.uk

An Konsel a yll ordena ynwedh dhe ri formys yn ken yethow. Byttegyns an brennyans ma yw res dell yw usys yn Kernewek ynwedh.

Rydhses a Gedhlow

Yn akord gans an Reyth Rydhses a Gedhlow 2000 (Freedom of Information Act 2000), an Skrif ma a vydh postys der Wiasva an Konsel www.bodmin.gov.uk ha dasskrifow an skrif ma a vydh kevadow rag hwithra gorrys y'n soodhva an Konsel.

Titel an Brennyans - Policy Title	Brennyans an Yeth Kernewek - Cornish Language Policy
Soodhek Ledy a - Lead Officer	Paul O Callaghan
Kessedhek Charjys - Responsible Committee	Kessedhek Brennyans - Policy Committee
Versyon - Version	V2.1
Dydh - Date	June 2008
Nivel Dyllans - Publication Level	Yn leun ha gans an Gwias - Fully inc Web